



**Sacra Veterum Temporum Uti Et Evangelica, Ac  
Apostolica Historia**

**Steinhart, Franz**

**Ingolstadii, 1734**

**VD18 90104692**

Cap. VIII. Stabilitur è Danielis Hebdomadis, annísque Judæorum sabbaticis,  
Mundi duratonem à sui origine ad vulgarem Christi Epocham esse quater  
mille præcisè annorum.

---

[urn:nbn:de:hbz:466:1-62332](https://nbn-resolving.de/urn:nbn:de:hbz:466:1-62332)

Thare natales sortitus sit, ut adeò stante veritate eclipsis solaris in China paulò ante diluvium apparentis liquida maneat præsentis controverbiæ decisio, cùm in utraque suppositione tam vernalis quam autumnalis Tekuphæ nulli alii solis deliquio apud Sinenses visibili insignes anni congruant præterquam bis millesimus trecentesimus quadragesimus quartus die Junii quinta, & 2343. die 18. Novembris.

Ex eo ipso phænomeno solis deficiens ante mundi naufragium apud Sinenses spectato validè confirmari potest. quod capite secundo dictum, Salemum videlicet natum anno Arphaxadi trigesimo quinto: Si enim Cainani ætas deductæ ibidem orbis conditi chronotaxi præterea addatur, diluvium à vulgari Æra Christi distaret 2374, vel 2434. annis, quibus tamen, uti & aliquot annis ante, aut post nullum habetur indicium eclipsis solis mense secundo in Sinis visibilis, ut rei ipsam periclitanti Uranophilo manifestum evadet. Sed difficultas ea, ut loco cit. ostensum, textam à me ex ipsis SS. Paginis chronologiam nil valet interturbare, sive dein inter Arphaxad, & Sale interserendum venerit ipse Cainan, quod ob irrefragabile D. Lucæ testimonium mihi quoque probabilius appetet, sive non sit interserendus, prout l'etavio & aliis visum.

## CAPUT VIII.

*Stabilitur Mundi hactenus definita ætas quarti mille annorum usque ad æram vulgarem Christi  
ex Danielis hebdomadis & annis Judeorum  
Sabbaticis.*

Danielis IX. prædictus adventus & mors Christi Domini, ille post hebdomadas LXIX, ista earundem elapsa periodo, & tribus cum dimidio præterea annis. Constat autem, atque etiam inter Chronographos convenit, hebdomadam quamvis, quarum ibi sermo, non dierum sed annorum septem cyclo esse concludendam. Sive autem septennium illud ab anno solari, sive à lunari derives, æqua utrinque habebis temporum spatia, modò lunæ annum Hebraico mo-

re aptè ad cursum solis reduxeris , insertis suo loco mensibus embolismæis , ut habet major & melior pars Scriptorum , contra paucos arbitratos , istarum hebdomadum annos omnes & singulos constitisse duntaxat 354. diebus , qualis est anni lunaris communis quantitas . Nempe Auctores hi elidere volebant eos tredecim annos , quos suæ chronotaxi minus rectè intrusérant principium hebdomadarum submovendo in Artaxerxis annum vigesimum , quod septimo magis congruè dedissent , prout ex dicendis liquebit . Vaticinium autem Gabrielis Archangeli de his hebdomadis ad Dni elem ita sonat .

*Septuaginta hebdomades abbreviate sunt super populum tuum , & super urbem sanctam tuam , ut consummetur prevaricatio & finem accipiat peccatum , & deleatur iniquitas & adducatur justitia sempiterna , & impleatur visio , & prophetia , & ungatur Sanctus Sanctorum . Scito ergo & animadverte : ab exitu sermonis , ut iterum adficietur Jerusalem usque ad Christum Ducem hebdomades septem , & hebdomades sexaginta due erunt , & rursum adficiabitur platea . & muri in angustia temporum : & post hebdomades sexaginta duas occidetur Christus & non erit ejus populus qui cum negaturus est . Et civitatem , & sanctuarium dissipabit populus cum Duce venturo : & finis ejus vastitas , & post finem belli statuta desolatio . Confirmabit autem pactum multis hebdomada una , & in dimidio hebdomadis deficiet hostia & sacrificium : & erit in templo abominationis desolationis : & usque ad consummationem & finem perseverabit desolatio . Paraphrasin hujus prophetie , uti & quomodo Christi Ducis tempore ad unguem impleta sint omnia , passim tradunt Sacrae Scripturae Interpretates . Chronologi vero id solum eontrovercent , cui determinatè anno ille sermonis exitus , ut iterum adficietur Jerusalem , sit illigandus . Nam , ut nuper insinuatum , deduci posse videtur ab Epochis quatuor diversis . 1. à Cyro Rege Persarum , quando expugnata Babylone Chaldaicum imperium Persico adjecit : anno squidem primo regni Babylonici , ut habetur Esdræ I. cap. I. v. 1. Monarcha ille facultatem Judæis , soluta captivitate septuaginta annorum , concessit redeundi in patriam , & templi Solimæi iteratò exstruendi . 2. Ab anno sexto Darii Hystaspis tertii à Cyro Persarum Regis , quo anno Jerosolymis completa Domus Dei , uti perhibetur Esdræ I c. VI. §. 3. Anno septimo Artaxerxis Longimani , tunc enim ipse Esdras a Persico hoc Rege amplissimas obtinuit litteras adftrapas ejus in Judæa habitantes , ut omni ope Hebreos Babylone ad pro-*

propria reduces juvarent, totumque id, quod valerent conferre ad templi & urbis reædificationem, suppeditarent liberaliter. vid. I. Esdræ VII. ubi præsertim notanda verba illa versus 6. *Et dedit ei (scilicet Esdræ) Rex secundum manum Domini Dei ejus super eum omnem petitionem ejus, adeoque illimitatam potestatem omnia Jerolymis iterum constitueri, & deducendi ad umbilicum, prout ante captivitatem Babylonicam fere habuerant.* 4. Denique anno 20. ejusdem Artaxerxis Regis, quando Nehemias acceptis litteris ad Duces habitantes in circuitu Jerusalem, ne instaurationem Solymææ urbis impedirent, illuc ascendit, opusque egregie ursit cum suis, qui manu una construebant muros, altera repellebant hostes, id operis vi omni impedire molitos, uti habetur II. Esdræ II. & sequentiibus.

In eo porro, quod per tempus Christi Ducis intelligendus sit baptismus, & prædicatio ejus, Scriptores penè omnes consentiunt: tunc enim in columba specie descendit in Christum Spiritus Dei, & de cœlis audita Patris voce: *Hic est filius meus dilectus, in quo mihi complacutus.* Matth. III. v. ultimo, Servator populi sui constitutus est Dux. Priorem autem controversiam, quod attinet, ex dictis demonstrative, ni fallor ostensum, nec anno 1. Cyri, nec 6. Darii posse tribui exitum sermonis, ut iterum edificetur Jerusalem usque ad Christum Ducem, seu LXX hebdomadarum abbreviatarum exordium, eò quod longè plures anni inter Cyrum, uti & Darium Hyaspidem, atque Christum Ducem intercedant, quam hebbomades septuaginta, etiam non abbreviatæ exigant. Annus vero Artaxerxis vigimus, si cum communi historicorum Dario Hyaspidæ regiminis annos 36. Xerxi vero ejus filio post quem Persicum Regnum Artaxerxes Longimanus tenuit, annos 10. tribuamus, excessu peccat.

En rationem horum manifestam, indeque mediæ & deductivæ inferetur, Gabrielis vaticinium soli anno Artaxerxis septimo congruere, licet hoc ipsum etiam directe, & immediatè ostendi queat.

Hebdomades LXX. involvunt annos 490. Adde istos anno alteri Imperii Chaldaici Cyri, seu anno mundi 3466. suprà cap. V. constituto, & conflabitur annus Æ. M. 3956. quadraginta quinque omnino annis distans ab Æ. V. & multo pluribus à Christi Ducis baptismo. Annus vero sextus Darii Hyst. illuc quidem accedit pro-

piùs annorum viginti unius intervallo, ut liquet ex dictis, ab Epochâ tamen vulgari adhuc annis 24. recedit. Juncta enim anno Mundi

sexto Darii respondentि illâ Danielis septuagenariae periodo 3487  
obtinetur annus AE. M. 490

adhuc 24. annis remotus à quater millesimo primo, quem ex SS. Bibliis usque ad Nibuchodonosorem & Cyrum, & inde ex infallibili bus Astronomiae tesseris usque ad AE. V. cap. VI. deduximus liquidissime.

Quoad Artaxerxis annum vigesimum, attributis, Hystaspidae juxta communem AA. opinionem regiminis annis 36. & Xerxi 20. ita proceditur. Annus sextus Darii erat mundi 3487  
additis 30. residuis ejusdem Darii 30  
uti & 20 Xerxis imperio congruentibus 20  
nec non totidem Artaxerxis 20  
ac præterea inde usque ad Christum Ducem, 483  
hebdomadis scilicet sexaginta novem, habetur annus AE. M. 4040,  
qui excessu peccat annorum quindecim, cùm baptismus Christi Ducis, uti sectione tertia ostendam, incidat in annum AE. Vulg. 25. adeoque AE. M. 4025. Patet ergo à modò dictis ternis Epochis non posse derivari *Exitum sermonis*, ut iterum adificetur Jerusalem, seu auspicia hebdomadarum Danielis. Ad annum proin septimum Artaxerxis exitus ille reducendus erit, cùm præterea in istum annum chronologi ferè unanimi calculo, & in unum è quatuor illis regnum annis penè univerſi consentiant.

Immediate & directe ex hebdomadis Danielis Christi baptismus seu annus AE. V. respondens, sic eruitur. Annus secundus Cyri è S. Scriptura elicitus erat AE. M. 3466  
anni residui Cyriani Regni 6

Regiminis Cambysis 8

Darii Hystaspidae 36

Xerxis 20

Artaxerxis septimus currens 6

Hebdomadæ sexaginta novem 483

summa dat annum AE. M. 4026,

Inde subtrahe annum AE. V. quo, ut sectione sequenti cap. 8.

&

& sect. 3. cap. 1. dicetur, Servator declaratus est Dux populi 25  
 & manebit Ætas Mundi ineunte Æ. V. anno primo 4001  
 eadem cum deducta ab eclipsibus.

Me non advertente cuivis liquidum hic fit, pauculos annos, qui circa baptismum Christi Ducis controverti solent, nil prodesse, ut ex anno septimo in vigesimum Artaxerxis detorqueatur initium hebdomadum Danielis, posterior si quidem Epocha non paucis, sed quindecim omnino annis tempus baptismalibus undis tincti Servatoris retardat. Exordio autem septimanarum competente ejus Regni anno septimo, Ætas Mundi ad Æ. V. manifestè colligitur quatermille annorum 10, scilicet Mundi anno ad 4001.

Quo eadem ex annis quoque Sabbaticis deduci valeat, sciendum in veteri testamento tres haberi certos. Primus fuit annus Seleucidarum 149, quo Antiochus Eupator Epiphanis filius cum Lysia Hierosolymam obsedit, vid. I. Machab. VI. 53. Vocatur autem annus iste eodem capite v. 20. centesimus quinquagesimus. Libro vero II. Machab. XIII. 1. centes. quadrages. nonus, quia nempe anni hi Seleucidarum vel Græcorum libro I. inchoari solent à Mense Nisan, qui Martio vel Aprili nostro respondet. Libro autem II. à mense Tisri cum Septembri aut Octobri conveniente. Prius ab Hebræis dicitur anni sacri exordium, posterius anni politici, ut alias insinuatum.

Sabbaticus alter exstat I. Machab. XVI. 14. dictus annus Seleucidarum centesimus septuages. septimus, quo Simon Hyrcani pater in munitiuncula Doch interfactus est Ptolemæi generi sui insidiis.

Tertius denique à capta per Herodeum & Sosium Jerosolyma insignis est Coss. Agrippa, & Caninio, qui fuit annus Julianus, seu à Julio Cæs. institutus, nonus, ante Æram Christi vulgarem triges. septimus, Urbis cond. 717. Videatur Joseph. Hebr. I. 14. antiquit. Judaic. c. 27. Porro annus iste erat Græcorum 275, ut patebit constituto eorum anno primo, quorum æra duodecimo post mortem Alexandri anno primordia, & nomen accepit à Seleuco Nicatore, etiam Dhikarnaim dicta. Inde Græci, & alii orientis populi, quibus Seleucus imperavit in Babylonia & Media suos annos putant, imò ipsi olim Hebræi, prout è citatis Machabæorum libris patet. Hujus autem Epochæ tempus est indubium, utpote notis Astronomicis compluribus stabilitum. Illas refert Albategnius libro de

scientia stellarum. Solis eclipsin Astronomus iste observavit Aractæ anno ab obitu Alexandri 1214. Dhilkarnaim vero 1202. lumenaribus in Leone constitutis. E Petavii tabulis phænomenon congruit anno æra christiana 891. diei octavæ Augusti 12. h. 42. m. post mediam noctem Aractæ, ubi quantitas eclipsis colligitur fuisse 8. dig. 48. scrup. circiter. Subtractis itaque 891. à 1202. restat annus primus Seleucidarum ante Æram Christi vulgarem 311.

Anno Dhilkarnaim 1194 ab Alexandri obitu 1206. vix Aractæ eclipsis lunæ die 23. Tamuz (mensis 15. Julio respondet in calend. Juliano) hora 8. p. m. sole in quarto Leonis gradu versante. Congruit annus Æ. V. 883. Plenilunium verum eruitur d. 23. Julii h. 7. 34. m. quantitas deliquii 10. dig. 15. scrup. quare annus primus æra Seleucidarum à christiana Epochæ iterum distat 311.

In eodem Aractensi Horizonte contigit aliis lunæ defectus anno à morte Alexandri 1224. Dhilkarnaim 1212. hora 15. 35. m. Phæbo existente in Leonis gradu decimo quarto. Eclipsi huic debetur annus Æ. V. 901. & dies tertius Augusti, quo manè hora 3½ penitus defecit luminare minus. Subtractis 901. à 1212. remanent denuo 311. Ex his igitur evidens fit annorum primum Epochæ Græcorum præcessisse annum primum Æ. V. christianorum annis trecentis undecim.

Jam vero hæc Epochæ Dhilkarnaim reducitur hac ratione ad Æram Mundi. Annus quintus Nabuchodon. ostensus est coincidisse cum anno Æ. M. 3380. fuisse remotum ab. Æ. V. 621. à qua distat Æ. Seleucidarum 311. differentia recessus Epochæ utriusque ab Æ. V. continet annos 310. qui adjecti anno quinto Nabuchodonos. seu Æ. M. 3380. dant annum Æ. M. 3690. currente anno primo Æra Dhilkarnaim. Ternis igitur sabbaticis anno Seleucidarum 149

177

respondent anni Æ. M. 3838. 3866. 3964. iidemque Sabbatici ab Æ. V. Christi recedunt 163. 135. 37. annis. Additis invicem Æra Mundi & recessus ab Æ. V. annis seu 3838. 3866. 3964.  
& 163. 135. 37.  
obtinetur ætas mundi ineunte Æ. V. 4001. 4001. q. c. d. Ab.

275

Abstineo pluribus, quæ suppterent methodis firmandi etatem mundi quater mille annorum usque ad Æ. V. à christiani nominis aſſe-  
cis communissimè receptam. Sufficere enim possunt haſtenus di-  
cta, totumque negotium omnium optimè ſola duce S Scriptura per-  
ficitur. Hanc preſſe ſecutus ſum ubique, una excepta lunæ eclipsi  
celebratâ anno quinto Nabopallassari, seu Nabuchodonosoris magni,  
qui ipſe annus ex SS. Paginis mundanæ epochæ fuit aptatus. Deli-  
quium autem iſtud lunare Babylone eſſe obſervatum Scriptores ve-  
tūtissimi teſtantur, ut adeò humanam fidem, eāmque firmiſſimam  
mereantur, ut quid enim illi in re ad oculum patente decipere vel-  
lent poſteros, vel ipſi poſſent decipi? Chronotaxis hæc ab origine  
rerum conditarum ad annum, quo exeunte vulgò ſignantur Natales  
Domini ſua etiam numeri rotundi 4000. Simplicitate p̄placere de-  
bet aliis non multūm inde per defectum, vel exceſsum abludentibus.  
Quater mille enim circiter annos ex Vulgata colligunt omnes, qui  
inde ſeu ab orbe condito usque ad ejusdem reparationem per Serva-  
toris in has terras ingressum, suas texuere chronologias.

Adjungo dictorum Anacephalæſin, ut uno velut intuitu per ſex  
gradus deducta mundi ætas quater mille annorum à ſua genetiſ usque  
ad Christi natales, ſeu vulgarem æram christianorum pateat.

A conſtruicione rerum ad diluvium fluxere anni completi      1656  
oſtendum id capite I.

A diluvio uſque ad exitum filiorum Iſrael ex Aegypto ſeu ad promulgationem legis lapsi ſunt anni (cap. II.)	797
A promulgata lege ad Templi Salomonici cœptam ſtructuram (cap. III.) annorum periodus evoluta	520
A condito templo uſque ad desolationem ejus (cap. IV.) interſunt anni	421
A desolatione templi uſque ad ejusdem iſtaurationem ſecundo anno Cyri factam (cap. V.) transiſtre anni	71
Denique ab eo Cyri anno ſeu restauratione templi uſque ad Æram Vulg. Christi (cap. VI. & VIII.) compleetus eſt cyclus annorum.	535

Ergo ſumma totius ætatis mundi à ſui origine uſque  
ad humani generis reparationem ſeu Æ. V. Christi,  
quæ mundi ætas erat oſtendenda.      4000.

SE-